

# 1 TIMOTIY

## Pol Minj Nind Ak Timotiy Nup Tikak

### Minim Nind Niņep

Timotiy miñmon nuk ak Liystra, Galesiya propens nimb. Nonim nuk ak Jiwda nimb, nop ak Griyk nimb. Nuk bi paranj mindiy, Jiysis nup kisen nep chingek, Pol nup dand tanjyng, Jiysis minim tep ak aņņiyinggiyir. Pol minj day nind Timotiy nup tikak biy, minim yomb ar omiņal nokom aņgak.

Minim bap aņgak ak, “Biyimb Jiwda yipund giy gok sek, Jiwda mer gok sek kilrimey gipay ar ak, nimb yip ma ginimimb aņgiy” tikak. Minim ar bap aņgak ak, bi Gor biynimb kond mindep gok diniņg, bi Gor nup gosimb niņiy, biynimb direp giniņgiy gok nep niņiy dinimimb aņgak.

Pen minim kisen aņgak ak, Timotiy nup, yergiy Gor nup bi woņg giñemb tep ak mindiy, Gor biynimb nuk gok kuyip, kond mindeniņgamb minim ak aņgak.

### Minim Ar Keykey Mindip Rek:

Minim nind aņgak ak mindip, chapta 1:1-2.

Biynimb Gor apiymiņay kuyip chingyak gok sek, bi kuyip kond mindep gok sek kuyip, minim aņgak ak mindip, chapta 1:3–3:16.

Timotiy nup woņg minim ar ak, aņgrop gak minim ak mindip, chapta 4:1–6:21.

---

**1** <sup>1</sup>Yand Pol. Gor apiymiņay chinup pisnep diy dand amniņgayr aņgiy niņbun omiņal ak nep, yip aņger, Jiysis minim dand amemb ak mindpiyn.

<sup>2</sup>Timotiy. Yand nep aņgrop genik, Jiysis nup gosimb niņban ak; nip ñi yand apiyn. Bapiy Gor yip, Biyomb chin Jiysis Krays yip nip simb niņiy, kond mindrep ginimiyir.

### Minim Yesek Aņgniņgiy Ak Ma Dinimimb

<sup>3</sup>Yand Yipiysey mindiy, Masedoniya propens amniņg, nip kun okok aņgay, biynimb Gor minim aspun aņgiy minim yesek apay gok kuyip

anjenimin, minim kun ak kirginingiy angnik rek, tip ak aspiyn. <sup>4</sup>Sosim ar gunap apay gok sek, nusind nupis yes yerer giy tikey wip angyi apay gok sek angey, kirginingiy. Minim kun gok angyi, penpen nep apay. Gor biynimb dinimuḡ minim ar ak angey, yomb ginimuḡ ak pen; minim kiyk apay kun gok niḡiy, Gor nup gosimb niḡningiy ak ma mindip. <sup>5</sup>Pen biynimb gok suḡ-tep mindiy, Gor nup di mindmangiy yimb ay, mindrep gembiyap yip tep gipkop. <sup>6</sup>Pen gunap kinjeḡ tep ar kun ak kirgiy, minim yikop okok anḡ amiy apiy gipay. <sup>7</sup>Chin Gor low tiysa gok mindon apay ak pen, minim apay gok, minim junḡ aspun ak angyi, niḡrep ma gipay.

<sup>8</sup>Chin kun ak rek ma ginjun. Gor low minim nuk angak ak, tep yimb mindip ak pen; low minim nep angyi, minim nup gunap kirginingambun ak, tep ma giningamb. <sup>9</sup>Per low minim apun ak, biynimb mindrep gipay gok kuyip ma apun; biynimb monmon gipay gok kuyip apun. Biynimb mindrep ma giy, timey gipay, chip ḡapay, nonim nop kiyk key pikaypay, <sup>10</sup>biyn siy bi siy gipay, biynimb siḡgil waḡ gipay, biynimb yesek angyi akaḡ, yerer giyḡ minim niḡind yimb ak kirpay. <sup>11</sup>Minim niḡind yimb apiyn kun ak, Jiysis Krays minim tep ak. Gor Biyomb melik sek ak, biynimb direp giyn angyi yip anḡek, minim tep kun ak anḡḡirapiyn.

### Gor Pol Nup Simb Niḡak

<sup>12</sup>Biyomb chin Jiysis Krays, yip niḡek woḡ nup ak gep rek ayek; woḡ kun ak anḡay kond mindakniḡ gipiyn ak, nup tep apiyn. <sup>13</sup>Nind mindrep ma yimb giyḡgipiyn. Gor biynimb nup gok kuyip timey giy, Gor nup anḡjiwiḡ giyḡgipiyn. Pen Gor nup ma niḡiy, minim angak kiḡniḡ ak ma niḡiy genik mey, yip simb niḡiy dak. <sup>14</sup>Kun ak yand bi tep mer ak pen, biynimb nuk gok kuyip per gip rek, yip gos tep ḡek, nup gosimb niḡyḡḡ, biynimb gok kuyip wasemb aypiyn. Kun ak nup tep yimb aspiyn.

<sup>15</sup>Minim niḡind yimb niḡiy, pisnep diniḡambun bap anḡniḡ gispiyn. Krays Jiysis biynimb man ar biy, tap siy tap timey gipay gok kuyip, diniḡ owak. Bi tap siy tap timey yomb yimb giyḡḡip ak mey, yand nep. <sup>16</sup>Pen yip diniḡ angak, “Bi tap siy tap timey yimb gip ak nup den mey, anḡniḡambay, Jiysis chinup kunep diniḡamb angyi, yip ker apey, kuyip den, perper mindeniḡambay angak.” <sup>17</sup>Kun ak, Gor nuk Biyomb yimb; miseḡ ma niḡbun; ma kumniḡamb; nuk nokom Gor niḡind yimb ak, nup perper nep yimb dand aranjun. Tep.

### Timotiy Nup Minim Bap Anḡak

<sup>18-19</sup>ḡiyand Timotiy. Nip minim bap anḡniḡ gispiyn. Bi Gor minim anḡep gok, nip anḡyak rek nep ginimin. Minim yip ak diy, mindrep giy, Gor nup gosimb niḡyḡḡ, biynimb nup alemb alemb ḡimbay gok kuyip, anḡḡirep ginimin. Biynimb gunap mindrep ma giy, Gor kuyip gos ḡimb ak kirgiy, apyap pikpay. <sup>20</sup>Haymeniyas yip, Aleksanda yip kun ak rek

gerik aᅅgnik, “Kun gipiyr ak, chin yip jimñiy lotiw ma giniᅅgayr. Nirip kirgon, Seytan kind ak mindiy, miker yimb gek, Gor nup aᅅgiwpiyr ak, kirginimiy rek ayip aᅅgnik.”

### Lotiw Gep Miñ Ar Ak

**2** <sup>1</sup>Kun ak nen, Gor nup aᅅgniᅅyᅅng, tep aᅅgyᅅng gi mindenjun. Nup aᅅgniᅅon; gapman biyomb gok, biynimb yikop gok maᅅgiyseᅅ, kond mindonimuj. <sup>2</sup>Kond mindakniᅅ, chin kapkap mindrep giy, Gor nup gosimb niᅅyᅅng mindonjun. <sup>3</sup>Gor Biyomb chinup simb niᅅy dip ak; <sup>4</sup>biynimb okok keykey mindpay rek den, gos tep ak niᅅyaᅅ aᅅgiy niᅅimb.

<sup>5</sup>Yenen: Gor nokom bap mindip. Pen bi nambnimb ak, kunep nokom bap mindip. Gor piskind ak mindip, chin biynimb gok piskind ak mindpun; bi nambnimb chin mey, Ñinuk Jiysis Krays. Nuk biynimb maᅅgiyseᅅ di Nop yip jimñiy ayin aᅅgiy kumak. <sup>6</sup>Nind minim kun ak, ma niᅅyᅅngipay ak pen; biynimb niᅅyaᅅ aᅅgiy, Ñinuk nup yokek apiy, chinup nen kumek mey, miseᅅ niᅅbun. <sup>7</sup>Niᅅind yimb apiyn. Ar kun ak, Gor nep yip aᅅgek, bi Jiysis minim dand amemb ak mindiy, biynimb miñmon keykey okok kuyip aᅅᅅirapiyn.

<sup>8</sup>Minim bap pen, bi gok miñmon okok maᅅgiyseᅅ Gor nup chiᅅrep giy, miluk ma niᅅy, penpen ma aᅅgiy, Gor nup aᅅgniᅅyᅅng mindeniᅅgiy.

<sup>9</sup>Pen minim bap, biyn gok kapkap mindrep giniᅅgiy. Mindrep giniᅅng, junkas malikiy, chech tep, biys, tap gol diy giyak gok ma ayniᅅgiy; <sup>10</sup>Gor nup gosimb niᅅbun aᅅgiy, kapkap mindiy, biynimb gok kuyip direp giniᅅgiy.

<sup>11</sup>Gor minim aᅅgniᅅgiy won ak, biyn gok kapkap mindiy, niᅅniᅅgiy. <sup>12</sup>Yand biyn gok kuyip aᅅgen, tikjakiy bi gok kuyip kond mindiy, minim ma aᅅᅅimbay. Kiyk kapkap mindiy, minim apay ak niᅅbay. Gipiyn kun ak, kiñiᅅ ak aᅅgniᅅ gispiyn. <sup>13</sup>Gor Andam nup nind gay, kisen biynuk Yiyp nup gayak. <sup>14</sup>Pen Seytan minim tom gak ak, Andam ma dak; biynuk nep minim yesek aᅅgak kun ak diy, tap siy tap timey gek, Andam kisen gak. <sup>15</sup>Pen biyn gok ᅅapan tikyᅅng, Gor nup gosimb niᅅyᅅng, suᅅ-tep mindey amek, kuyip diniᅅgamb.

### Bi Gor Biynimb Nuk Kond Mindep Gok

**3** <sup>1</sup>Biynimb Gor nup woᅅng giy, biynimb nup gok kuyip kond mindonjun aᅅgiy niᅅbay gok, gos tep yimb niᅅbay. <sup>2</sup>Pen nimb bi Gor biynimb nuk gok kuyip, kond mindeniᅅgiy gunap dun aᅅgiy, bi yikop gok ma dinimimb; bi minim sayn gos niᅅrep giy, minim aᅅᅅirep giniᅅgiy rek gok niᅅy dinimimb. Bi minim sayn tep, tap timey ma giy, ᅅiᅅ kilis kuᅅay ma ᅅimbay, biynimb okok wasemb ay, biyn kiyk nokom diy, biynimb gunap niᅅy tep gek, kuyip aᅅgiwᅅniᅅgiy rek ma aynimuj, bi gok niᅅy dinimimb.

<sup>3</sup>Pen bi kalrimey jiwpay gok, penpen apay gok, ñiņg kilis ñimbiy sakiy aypay gok, gur-maniy nep gos niņbay gok ma dinimimb. Bi tep mindrep giniņgiy rek aynimuņ gok niņiy dinimimb. <sup>4</sup>Bi ñapan kiyk amyong gok kuyip, kond mindrep gey, ñapan kiyk gok pen bapiy niņind aņgip aņgiy, niņdiniņgiy bi gok niņiy dinimimb. <sup>5</sup>Pen bi biyn ñapan kiyk key gok, kond mindrep ma giniņgambay ak; Gor biynimb nuk gok kuyip, yergiy kond mindrep giniņgambay?

<sup>6</sup>Bi Gor nup kisen nep chingipay gok ma dinimimb. Bi kisen nep chingipay kun gok, biyomb mindpun aņgiy, Gor nup kirgiy, apyap pikniņgiy rek ayip. Seytan nind biyomb mindpiyn aņgiy, Gor nup kirgek, aņgyokak rek ak, kuyip giniņgamb. <sup>7</sup>Bi dinimimb kun gok, biynimb Gor ker ma mindpay gok niņiy, bi tep aņgiy niņbay gok kuyip dinimimb. Yikop ak, Seytan gek, biynimb Gor nup ma dipay gok kuyip aņgjiwey, apyap pikniņgiy rek ayip.

### Bi Diykon Gok

<sup>8</sup>Nimb bi diykon don, biynimb kond mindeyaņ aņgiy, bi yikop gok diy, woņg kun ak ma aņgaynimimb. Biynimb niņey mindrep giy, ñiņg kilis kuņay ma ñimbiy, minim yesek ma aņgiy, maniy tap gok yand nep diyn aņgiy gos ak ma niņiy, <sup>9</sup>Gor minim niņind yimb ak, direp gipay gok nep niņiy dinimimb. <sup>10</sup>Kun ak woņg sikoy gunap aņgayem, yergiy rek giniņgambay ak niņiy, aņgem diykon woņg ak giniņgiy.

<sup>11</sup>Pen biyn kiyk gok kunep, ñiņg kilis kuņay ma ñimbiy, biynimb gunap kuyip ma aņgjiwiy, minim yesek ma aņgiy; minim niņind yimb aņgiy, mindrep giniņgiy. <sup>12</sup>Pen bi diykon gok biyn nokom diy, biyn amyong kiyk gok kuyip, aņgey mindrep giniņgiy. <sup>13</sup>Bi diykon woņg tep giniņgambay gok, biynimb namb ak yimb tep ak diy, Jiysis Krays nup direp giyiņg mindeniņgambay.

### Biyomb Chin Gosimb Niņbun Ak Key Yimb Gip

<sup>14</sup>Kasek niniņgayn rek ayip aņgiy, nip minj tiksipiyn. <sup>15</sup>Pen kasek ma niniņgayn ak, minj biy niņiy, chin Gor biynimb nuk yimb gok, biynimb nuk gunap yip yergiy rek mindenjun aņgiy, niņrep giniņgamban. Chin Gor biynimb nuk gok, jimñiy korip sap kilis yimb rek mindon mey, minim niņind yimb nuk ak, kurginimuņ rek ma ayip.

<sup>16</sup>Minim tep chin niņbun ak key yimb. Jiysis Krays Nop yip mindiy, bi yimb ay miseņ owak. Kun giy apek enjol gok niņyak. Gor Kawnan nuk ak, biynimb gok kuyip aņgak, “Gor Ñinuk wip aņgak.” Minim tep nup ak, miñmon okok aņgñey amnakniņ, nup gosimb niņyak. Nop nup dand andkind miñmon tep nuk biyoņ amnak.

### Biynimb Gor Minim Tep Ak Aņgñispun Aņgiy, Minim Yesek Apay

**4** <sup>1</sup>Gor Kawnan aņgak ak miseņ niņbun. Ñin kisen ak awakniņ, Gor nup gosimb niņbun ak kirgiy, kichekiy malñiluk nop kiyk Seytan

gos yesek ñimb ar ak, kisen giyিং aᅅᅅñiᅅgambay. <sup>2</sup>Biynimb minim yesek aᅅᅅñimbay kun gok, nambin ma gip. Minim yesek nep aᅅᅅ dand amiy, monmon yimb aᅅᅅñimbay. <sup>3-4</sup>Kiyk apay: bi gok biyn ma diy, biyn gok bi ma diy, tap keᅅmaᅅᅅgiy gunap asikep giniᅅgiy apay. Pen Gor nuk asikep minim kun ak rek ma aᅅᅅgak. Tap keᅅmaᅅᅅgiy gay, biynimb minim yipul yimb nuk ak niᅅjiy, nup gosimb niᅅbay gok, di nup tep aᅅᅅgyiᅅᅅ ñiᅅniᅅgambay. Yenen: tap nuk gayak gok maᅅᅅgiysek, tep anep gayak. <sup>5</sup>Nup aᅅᅅniᅅbun rek, minim nuk aᅅᅅgip ak, tap kun gok suᅅ nep mindip ak mey, ñimbyiᅅᅅ mindeniᅅgambun.

### **Biynimb Gok Kuyip Aᅅᅅñirep Ginimin**

<sup>6</sup>Minim kun ak, mam ay gok kuyip aᅅᅅñirep giniᅅgamban ak mey; Gor minim tep aᅅᅅᅅney, Jiysis nup gosimb niᅅnak miᅅ tep ak direp giyিং, Krays Jiysis bi minim aᅅᅅᅅemb, tep bap mindeniᅅgamban. <sup>7</sup>Pen minim yikop, Gor nup aᅅᅅjiwpay gok, ma aᅅᅅ amiy apiy ginimin. Gor nup nep gosimb niᅅmindenimin. <sup>8</sup>Biynimb eksays yikop gipay gok, kilis gunap dipay ak pen; biynimb Gor nup chiᅅgun aᅅᅅgiy tapin gey amimb gok, miᅅniy mindrep giy, kisen mindrep giy giniᅅgambay. <sup>9</sup>Minim niᅅind kun ak, niᅅrep yimb ginjun. <sup>10</sup>Gor gek, mindrep giniᅅgambun gos ak niᅅjiy mey, kilisrimey yimb giy nep gon amimb. Nuk bi gin yimb, biynimb miᅅmon keykey mindpay rek, diyn aᅅᅅgiy niᅅakniᅅ, biynimb nup gosimb niᅅbay gok, maᅅᅅgiysek di nuk yip jimᅅniy ayip.

<sup>11</sup>Minim aspiyn biy, biynimb Gor ker mindpay gok aᅅᅅᅅnenimin niᅅniᅅgiy. <sup>12</sup>Biynimb gunap, nip bi paranj aᅅᅅgiy, minim nip kirginiᅅgiy rek ayip ak, niᅅrep ginimin. Pen mindrep giy nep gey amek, biynimb Gor nup chiᅅgipay gok; nup gosimb niᅅban rek, minim tep apan rek, biynimb wasemb apan rek, mindrep gipan rek niᅅjiy; kuyip tep gek kunep giniᅅgiy.

<sup>13</sup>Niniᅅgayn ak pen, yip kond mindpan ñin biy, Gor biynimb nuk gok kuyip, Baybol buk minim ak riyt giyিং, junj ak aᅅᅅñirep giyিং mindenimin.

<sup>14</sup>Gor nup woᅅᅅ giniᅅᅅ genak ñin ak, biyomb gok Gor nup aᅅᅅniᅅniᅅᅅ, ñin jun ar nip ak ay, Gor nip kond mindakniᅅ, biynimb gok kuyip aᅅᅅñirep giniᅅgamban aᅅᅅyak. Bi Gor minim aᅅᅅep gok kunep, kun ak rek aᅅᅅyak. Kun ak, Gor nip gos tep ñimb rek, sakiy ma ginimin; minim nup ak monmon aᅅᅅñinimin. <sup>15</sup>Woᅅᅅ nup kun ak, girep genimin, biynimb gok niᅅey tep gek, minim nip ak diniᅅgambay. <sup>16</sup>Gor aᅅᅅgip rek giyিং, minim niᅅind nup ak, aᅅᅅñirep giyিং gey amek mey, nak sek, biynimb aᅅᅅñimban gok sek Gor yip, mindrep giniᅅgambim.

### **Biynimb Gok Kuyip Gos Winjikniᅅᅅ, Niᅅchikiy Ma Aᅅᅅninin**

**5** <sup>1</sup>Bi nop day gok kuyip, ma aᅅᅅ ginimin; nap nak key ak rek, aᅅᅅñirep ginimin. Bi paranj gok kuyip, ma aᅅᅅ ginimin; namam nak

key ak rek, angñirep ginimin. <sup>2</sup>Biyn gok, nanim sikop kuyip, angñirep gipan rek angñinimin. Biyn piñ gok, nanay nak key gok yip, mindrep giy angñimban rek, angñinimin.

### **Biyn Yandiw Gok Kuyip Minim Anggak**

<sup>3</sup>Biyn yandiw ñapan ma mindip gok kuyip, kond mindrep ginimin. <sup>4</sup>Pen ñapan kiyk gunap mindeningiy, kuyip anggenimin, Gor nup gosimb niñbay rek, nonim akañ, nupis sikop, kuyip yimañgiyak rek, pen kond mindrep giniñgiy. Kun geningambay mey, Gor nup tep giniñgamb.

<sup>5</sup>Biyn yandiw key asiy yimb mindpay gok, Gor chinup kond mindeningamb anggiy, pumbnamb kisyimken nup angniñying nep mindpay. <sup>6</sup>Pen biyn yandiw miñmiñ girapay gok, kim mindpun anggiy niñbay ak pen, kumiy kurginiñgiy rek mindip. <sup>7</sup>Minim kun biy, biynimb gok kuyip anggey, biyn yandiw kiyk gok, kond mindey mey, biynimb gunap, kuyip niñchikiy ma angniñgambay.

<sup>8</sup>Pen biynimb an, biynimb kiyk key yimb gok, direp ma giy, pen biynimb kiyk kiñiñ nokom gok, mañgiysek direp ma gipay ak, Gor nup gosimb ak sakiy giy, mindrep ma giy mey, kun gipay. Biynimb Gor nup gosimb ma niñbay gok, timey yimb gipay kun ak rek, ma gipay.

<sup>9</sup>Pen biyn yandiw gunap angniñgiy, “Yimb chinup ak, biyn yandiw Gor nup woñg gipay gok yip tikem, Gor woñg ginukniñ, chinup tap ñiñemb tap gok, ñinimimb angneniñgiy,” niñrep giy dinimimb. Biyn kun gok diniñg, biyn tokiy bi nokom dey, kumyak gok nep dinimimb. <sup>10</sup>Pen biyn miñ tep ar ak nep giy, ñapan wasemb ay, biynimb okok nimb gok direp giy, biynimb Gor ker mindpay gok kuyip direp giy, biynimb kosyam mindiy, gospar ay mindpay gok kuyip, direp giy gipay gok nep dinimimb. <sup>11</sup>Biyn tokiy ma aypay gunap, Gor woñg ak giniñgambun angniñgambay ak pen; mind dand amiy, bi kisen dun anggiy, Krays nup woñg ak yiruk niñiy, bi kisenimb diniñgambay. <sup>12</sup>Minim kiyk key nind anggayak gok, timbrikniñgambay ak, tep ma giniñgamb. <sup>13</sup>Pen biyn yandiw tokiy ma aypay gok, woñg kun ak giniñg, yikop korip korip girangiy, biynimb gunap angjiwying, minim yesek kun gipay kun gipay angying, gi mindeningambay. <sup>14</sup>Kun ak yand apiyn, “Biyn yandiw tokiy ma aypay gok woñg kun ak ma angaynimimb apiyn.” Kiyk pen, bi kisenimb diy, ñapan tikiy, korip kiyk key woñg giy, mindrep giniñgambay. Mindrep giniñgambay kun ak, biynimb Gor nup miluk niñbay gok, kuyip angjiwningiy rek ma ayningamb. <sup>15</sup>Pen biyn yandiw gunap, Gor nup kirgiy, Seytan nup kisen gipay.

<sup>16</sup>Minim bap, biyn Gor ker mindpay gok, biyn yandiw kiyk key mindonimuj, kiyk key kond mindeningiy. Kun gey mey, biynimb Gor ker gok jimñiy, biyn yandiw key asiy yimb mindpay gok, kond mindeningambay. Yikop ak, biyn yandiw kuñay mindey, kosyam yimb kond mindeningambay.

### Biyomb Gor Nup Wong Gipay Gok

<sup>17</sup>Biynimb gok kuyip angenimin, bi Gor nup wong gipay gok kuyip, ma kirginiŋgiy. Gor minim angn̄irep gipay akan, Gor wong yerip gunap girep gipay gok, pey kuyip ak n̄irep giniŋgiy.

<sup>18</sup>Baybol buk tikiy angyak:

“Nimb kanj makaw poŋind apiy, lays chinup gok tawsimb jakey, maŋgiy gok key ay, cheng gok key ay gaŋ angyi; ar kun ak giniŋg, kanj lays chinup gok n̄iŋniŋgambay angyi, meŋg miŋgan kuyip ak, ma tiwniŋgrimbiknimimb; wong gipay rek, gunap n̄iŋniŋg n̄iŋniŋgiy angyak.”

Pen minim bap angyak:

“Bi wong gipay gok, pey n̄emb angyak.”

<sup>19</sup>Bi nokom bap nep, apiy angn̄ingamb, “Bi Gor nup wong gip ak, kun kun giy timey gip angonimuŋ” ma niŋnimin. Biynimb omiŋal akan, omiŋal nokom rek niŋiy ap angeniŋgiy, niŋind apay rek ayip angyi, niŋnimimb. <sup>20</sup>Pen bi Gor wong gipay gunap, tap siy diy tap timey geniŋgiy, biynimb lotiw opay rek, maŋgiysek niŋmindyakniŋ, kuyip anŋ ginimin. Kun geniŋgamban, gunap niŋiy n̄awil diy, kunep ma giniŋgambay.

<sup>21</sup>Pen bi yand gok, timey ma gipay; bi kiyk gok nep gipay angyi, ma angn̄imin. Minim mindonimuŋ, kiŋiŋ ak niŋrep giy nep angn̄inimin. Nip minim kun biy, yikop ma aspiyn; Jiysis ak, Gor ak, enjol suŋ-tep nuk gok sek niŋmindyakniŋ aspiyn.

<sup>22</sup>Pen bi Gor wong gep kisenimb gok diniŋg, niŋrep giy nep dinimin.

Biynimb gunap timey geniŋgiy, nand yip ma giy, suŋ-tep nep mindenimin.

<sup>23</sup>Pen nip tap minek minek giy, koŋgiy siwip ak, n̄iŋg nep ma n̄iŋnimin, n̄iŋg wayn siskoy gunap sek n̄iŋnimin.

<sup>24</sup>Bi gunap mindrep ma gipay ak, kasek niŋbun; pen gunap mindrep ma gipay ak, ma niŋbun. Kiyk gipay ak, anŋ amiy apiy giyakniŋ, niŋniŋgambun. <sup>25</sup>Bi mindrep giy, biynimb kond mindrep giy gipay gok kunep, gunap nep niŋbun. Pen mindrep gipay rek minim ak, weygiy mindonimuŋ rek ma ayip.

### Bi Wong Yikop Giŋemb Gok

**6** <sup>1</sup>Biynimb Gor ker kalambis wong rek gipay gok kuyip angenimin, biyomb kuyip taw dand wiyak gok direp giniŋgiy. Pen mindrep ma geniŋgambay, biynimb gunap niŋiy, Gor nup anŋjiwiŋ, minim tep angn̄imbun ak, anŋjiwiŋ giniŋgambay. <sup>2</sup>Pen biynimb Gor nup gosimb niŋbay gok, bi Gor nup gosimb niŋbay gunap kuyip, kalambis wong rek giŋiŋiŋg, mam chin key gok yenen wong giŋispun angyi, ma angn̄iniŋgiy;

mam tep chin Gor nup gosimb niŋbay gok kondsipun aŋgiy, woŋg kuyip ak giñirep giniŋgiy.

### Tap Kuŋay Dun Aŋgiy Gos Niŋbay

Minim tiksi piyn biy, biynimb gok kuyip aŋgñirep ginimin. <sup>3</sup>Biyimb Biyomb chin Jiysis Krays minim aŋgak ak sek, Gor minim per aŋgñimbun ak sek kirgiy, minim key gunap aŋgñimbay gok, <sup>4</sup>chin nep biynimb yomb mindpun aŋgiy, sakiy ay gos ma mindek, kun gipay. Kun ak biynimb gunap kuyip gos timey niŋiy, penpen aŋg amiy apiy giy, miluk yapek, penpen aŋgjiwpay. <sup>5</sup>Tap siy tap timey gi dand amiy, sakiy ayek, lotiw minim ak penpen yimb apay. Pen Gor minim ak aŋgiy, gur-maniy tap gok di nan-giy, mindrep giniŋgambun apay.

<sup>6</sup>Pen nimb mindrep ginjun aŋgiy, Gor aŋgip rek giy mey, kapkap nuk yip mindrep giniŋgambim. <sup>7</sup>Amiy sikop chinup tityak ñin ak, tap gunap dand ma winuk: pen kumniŋgambun ñin ak, tap gunap dand ma amniŋgambun. <sup>8</sup>Kun ak chech tap ñiŋemb chin gunap mindonimuŋ, tap chin rek mey sikoy ak aŋgjun. <sup>9</sup>Pen biynimb tap kuŋay dun aŋgiy gos niŋbay gok sakiy ayek, monmon gey amek, kimin tap ñiŋniŋ apiy gon diy, yiwur yomb dipay rek ak kuyip giniŋgamb. <sup>10</sup>Biyimb maniŋ tap gok gosimb niŋbay gok, tap siy tap timey ar keykey gipay. Gunap gos kun ak niŋiy, Gor nup gos ak kirgiy, mindrep ma gey, kuyip key simb timey yimb gip.

### Permindep Miñ Ar Ak Ma Kirginimin

<sup>11</sup>Timotiy. Nand Gor binuk yimb ak, biynimb gunap gipay rek ma ginimin; bi suŋ-tep nuk, nup gosimb niŋiy, biynimb wasemb ay, kapkap mindpay rek bap minden aŋgiy, ar kun ak nep gey amnimuŋ. <sup>12</sup>Kosyam mindeniŋgayn aŋgiy gos ak ma niŋninin; Gor nip diniŋ gek, biynimb kuŋay niŋmindyakniŋ, Gor nup chiŋgi piyn aŋgnak ak, nup ma kirginimin. Aŋgip rek, sakiy giy nep gey amek mey, perper mindeniŋgamban. <sup>13</sup>Gor Biyomb gek kim mindpun ak sek, Ñinuk Jiysis Krays Ponsis Paylat nup, minim yipund giy aŋgak ak sek niŋmindrikniŋ, nip kilis giy aspiyn; <sup>14</sup>Gor minim tep ak, yipund giy mindip rek nep niŋniŋgiy aŋgiy, gey amek amek, kisen Biyomb chin Jiysis Krays andkind winimuŋ. <sup>15</sup>Jiysis andkind winiŋgamb ñin kun ak, Nop nuk key aŋgayak. Nuk Biyomb chin kun anep, bi tep yimb; biyomb yikop gok kuyip, maŋgiysek kond mindip. <sup>16</sup>Pen nuk nokom kumnimuŋ rek ma mindip; per yimb nep mindeniŋgamb. Melik tep nuk ak, key yimb mindip; biynimb gunap nup ma yimb niŋbay; kiñiŋ siŋak amniŋgiy rek ma ayip. Nuk Biyomb key yimb ak, biynimb maŋgiysek yimb nup ak, perper dand araniŋgiy. Tep.

### Biyimb Krays Ker Tap Kuŋay Mindek Gok Kuyip Minim Aŋgak

<sup>17</sup>Biyimb gur-maniy tap kuŋay mindip gok kuyip aŋgenimin, chin nep biynimb key yimb mindpun aŋgiy, tap kasek kurgip kun gok gosimb



ma niŋniŋgiy; Biyomb biynimb kond minden, tap ma tikdek, mindrep giniŋgiy aŋgip anup, gosimb niŋniŋgiy. <sup>18</sup>Kun ak, kuyip aŋgenimin, tap kuŋay mindip rek, biynimb direp gun aŋgiy, tap monmon ŋiniŋgiy. <sup>19</sup>Kun ak rek giy mey, miŋiy mindrep giy, ŋin kisen ak apek, Gor yip perper mindrep giniŋgambay.

### **Wong Girep Ginimimb**

<sup>20</sup>Timotiy. Gor minim tep ŋin ar nip ayak ak, direp ginimin. Minim yesek kiyk niŋrep giy aspun aŋgiy, aŋg amiy apiy gipay gok, ma dinimin. <sup>21</sup>Biyimb gunap, minim yesek kiyk kun ak diyinŋ, Gor nup pisnep kirpay.

Gor nimbip simb niŋiy, kond mindonimur.